



Broj: 02-11-687/25-AP-6
Datum: 28.04.2025. godine

Na osnovu člana 70., a u vezi sa članom 21. i 24. stav 1. tačka a) Zakona o javnim nabavkama („Službeni glasnik BiH“, broj: 39/2014, 59/2022 i 50/2024), člana 29. Pravilnika o internim procedurama u postupku javnih nabavki roba, usluga i radova i direktnom sporazumu („Službeni glasnik Grada Zavidovići“, broj: 1/2022 i 6/2023) i člana, 12. Privremene statutarne Odluke Grada Zavidovići («Službeni glasnik općine Zavidovići», broj: 4/2022), u predmetu odabira najpovoljnije ponude za dodjelu ugovora o javnoj nabavci radova „Vodovod za naselja Bajvati, Beše i Žioke sa gradskim vodovodnim priključkom u šahti na liniji dn 110 mm u Davulijama, MZ „Gostović - Izgradnja gravitacionog cjevovoda do pumpne stanice – dodatni radovi“, Gradonačelnica Zavidovića, d o n o s i

ODLUKU

Član 1.

Prihvata se Ponuda ponuđača GP „HELDOVAC“ d.o.o. ŽEPČE, Ljeskovica b.b. Žepče, broj ponude: 45-01/25-1 od 25.04.2025. godine, zaprimljena na protokol ugovornog organa dana, 25.04.2025. godinu u 10.45 sati u postupku provođenja javne nabavke putem pregovaračkog postupka bez objave obavještenja za nabavku radova „Vodovod za naselja Bajvati, Beše i Žioke sa gradskim vodovodnim priključkom u šahti na liniji dn 110 mm u Davulijama, MZ „Gostović - Izgradnja gravitacionog cjevovoda do pumpne stanice – dodatni radovi“, sa ukupnom cijenom od 12.208,50 KM (slovima: dvanaesthiljadadvijestotineosam i 50/100 KM) bez uračunatog PDV-a, odnosno 14.283,95 KM (slovima: četrnaesthiljadadvijestotineosamdesettri i 95/100 KM) sa uračunatim PDV-om.

Član 2.

Sa ponuđačem GP „HELDOVAC“ d.o.o. ŽEPČE zaključit će se ugovor o javnoj nabavci iz člana 1. ove Odluke.

Član 3.

Ova odluka stupa na snagu danom donošenja.

Obrazloženje

Odlukom Gradonačelnice broj: 02-11-687/25-AP-2 od 09.04.2025. godine pokrenut je postupak dodjele ugovora za javnu nabavku radova „Vodovod za naselja Bajvati, Beše i Žioke sa gradskim vodovodnim priključkom u šahti na liniji dn 110 mm u Davulijama, MZ „Gostović - Izgradnja gravitacionog cjevovoda do pumpne stanice – dodatni radovi“, koji će se provesti putem pregovaračkog postupka bez objavljivanja obavještenja o nabavci.

Tenderska dokumentacija za nabavku radova sa pozivom na pregovore broj: 02-11-687/25-AP-3 od 09.04.2025. godine odnosno poziv za dostavu ponude za predmetne radove je upućen privrednom društvu GP „HELDOVAC“ d.o.o. ŽEPČE.

Do krajnjeg roka za dostavljanje ponuda, odnosno do 17.04.2025. godine do 12:00 sati, dostavljena je ponuda ponuđača GP „HELDOVAC“ d.o.o. ŽEPČE.

Komisija za javne nabavke Grada Zavidovići je izvršila otvaranje ponude dana, 17.04.2025. godine u 12,30 sati u Sali za sastanke Grada Zavidovići, o čemu je sačinila Zapisnik sa otvaranja ponuda- zapisnik o pregovorima broj: 02-11-687/25-AP-1-2 od 17.04.2025. godine, kada je utvrđeno da pristigla ponuda blagovremena i prihvatljiva, te su vršeni pregovori o pravnim, ekonomskim i tehničkim aspektima ugovora.

Nakon utvrđivanja sadržaja podnesene ponude, Komisija za javne nabavke je u Zapisniku o pregledu i ocijeni ponude broj: 02-11-687/25 od 17.04.2025. godine utvrdila da je dostavljena ponuda formalno ispravna - tehnički zadovoljavajuća jer sadrži sve priloge tražene kao u sadržaju navedenom u Tenderska dokumentacija za nabavku radova broj: 02-11-687/25-AP-3 od 09.04.2025. godine, sa kojom je ugovorni organ uputio je poziv ponuđaču GP „HELDOVAC“ d.o.o. ŽEPČE za dostavu ponudu.

Tenderska dokumentacija za nabavku radova –TREĆA FAZA sa pozivom za dostavljanje konačne ponude broj: 02-11-687/25-AP-5 od 18.04.2025. godine odnosno poziv za dostavu konačne ponude za predmetne radove je upućen privrednom društvu GP „HELDOVAC“ d.o.o. ŽEPČE

Komisija za javne nabavke Grada Zavidovići je izvršila otvaranje i pregled ponude dana, 25.05.2024. godine, o čemu je sačinila Zapisnik o pregledu i ocijeni konačne ponude broj: 02-11-687/25-AP-1-4 od 25.04.2025.godine i utvrdila da je ponuda privrednog društva GP „HELDOVAC“ d.o.o. ŽEPČE sa ponuđenom cijenom u iznosu od 12.208,50 KM (slovima: dvanaesthiljadadvijestotineosam i 50/100 KM) bez uračunatog PDV-a, odnosno 14.283,95 KM (slovima: četrnaesthiljadadvijestotineosamdesettri i 95/100 KM) sa uračunatim PDV-om, ponuda sa najnižom cijenom i da je ponuđena cijena u okviru procjenjene vrijednosti, te se kao takva smatra prihvatljiva.


Cijeneći pravilnost provedenog postupka dodjele ugovora o javnoj nabavci radova „Vodovod za naselja Bajvati, Beše i Žioke sa gradskim vodovodnim priključkom u šahti na liniji dn 110 mm u Davulijama, MZ „Gostović - Izgradnja gravitacionog cjevovoda do pumpne stanice – dodatni radovi“, te datu preporuku od strane Komisije za javne nabavke, odlučeno je kao u dispozitivu ove Odluke.


POUKA O PRAVNOM LIJEKU:


Protiv ove odluke može se izjaviti žalba u roku od 10 (deset) dana od dana prijema. Žalba se izjavljuje ugovornom organu u pisanoj formi direktno, ili preporučenom poštom pošiljkom. Žalba se podnosi u najmanje tri primjerka.


Dostavljeno:

1. Učesnicima u postupku
2. U spis.

Akt pripremila: 
(Sanela Mulahasanović)

Akt pregledao: 
(Midhat Bajramović)

Akt pregledao: 
(Nermin Čahtarević)



GRADONAČELNICA

mr. iur. Erma Merdić Smailhodžić 